



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

2. S. Cuthberto ac socijs alendis Deus, per aquilam, piscem mittit.

urn:nbn:de:hbz:466:1-45653

C A P V T X V I .

*Cur amicos suos parcè ac frugaliter, inimicos autem
lautè permittat viuere Deus?*

N principum aulis primæ admissionis amici ac satrapæ, ceteris conquisitiū solent tractari; & quò quisque est nobilior, eò lautiori mensæ adhibetur; est enim cibi pretium honor conuiuantis. Quamobrem & Ioseph, cum epulum fratribus suis daret, sederunt coram eo, primogenitus iuxta primogenitū sua, & minimus iuxta etatem suam. Et mirabantur nimis, sumis partibus, quas ab eo acceperant: MAIOR q̄ue pars venit Beniamin, ita ut quinq; partibus excederet. Tractaret vtiq; hac ratione etiam Deus sibi amiores, si diuinæ sapientiæ iudicio melius esset, mcliūs conuiuari. Alter censet. Non enim cogitationes meæ, cogitationes vestræ: neq; via vestræ, via meæ, dicit Dominus. Quia sicut exaltantur cœli à terra, sic exaltata sunt via meæ, à vijs vestris, & cogitationes meæ, à cogitationibus vestris. Vobis placet ebrietas, mihi displicet. Sobrietas placet mihi, displicet vobis. Apud vos, in honore est conuiuium, apud me ieiunium. Vobis grata est abundantia, mihi abstinentia; quam etiam seculi sapientes diuitijs præposuerunt. Certè Diogenes à Platone petierat vini paululum, tunc & caricas. Plato misit lagenam. Cui Cynicus, hunc in modum, gratias egit: *Cum interrogarim, quot sint duo, & duo? respondes viginti. Noluit nimirum, pro quatuor, aut accipere, aut dari viginti. Quare & amicis suis plerumq; dat Deus, quod sufficiat, non quod superfluat: ipsi abundare non cupientes illud usurpant: Mendicitatem, & diuitias, ne dederis mihi: tribue tantum victui meo necessaria; ne forte satiates illiciar ad negandum, & dicam: Quis est Dominus? aut egestate compulsus furer, & periurem nomen Dei mei. Porro victui non multa sunt necessaria. Pauca sufficiunt paucis contento. Itaque, quos non deserit diuinum Numen, modico alit, si videt non appetere multa, etiam tunc, cum miraculosè ali.*

I.

Gen. 43.33;

Esa. 55. 8.

Prou. 30. 8.

Venerabilis Beda, qui Martyrum Ecclesiæ Anglicanæ pro Christo cæsorum historiam texuit S. Cuthberti Episcopi Lanparniensis facta & verba hæc refert: *Disce, filiole, Dei fidem sem-*

II.

Beda in vita
S. Cuthber-
ti,

S per G.

per & spem habere in Domino, quia nunquā fame perit, qui Deo fideliter seruit. Et sursum aspectans, vidēnsque aquilam in altum volantem: Cernis, inquit, aquilam illam porrò volitantem? Etiam per huius ministerium, possibile est Domino Deo nostro, nos hodie reficere. Talia confabulantes, agebant iter, iuxta fluminum quendam. Et ecce subito vident aquilam in ripā residentem, dixitque vir Dei: Viden' ubi nostra, quam prædixi, ministra residet? Curre, rogo, & quid epularum nobis attulerit, inspice, & citius affer. Qui accarrens attulit pīscem non modicum, quem nuper illa de flumine prehenderat. At vir Dei, quid, inquit, fecisti, fili? quare ministra suam partem non dedisti? seca cistis medium, & illi partem, quam nobis ministrando meretur, remitte. Fecit, ut insperat, sumptaque secum parte reliqua, ubi tempus reficiendi aderat, diverterunt ad proximum vicum, & dato ad assandum pīscē, se pariter, & eos, ad quos intrabant, gratissimo refecerunt conūcio, predicante Cuthberto verbum Dei, atq; eius beneficia collaudante. Collaudabimus & nos, si inde discamus, & Deo fidere, & paucis contenti esse. Per rapacissimas aues potest nobis dare, dator imunerum. Sed duobus pīscem vnum dedit. Non sufficit? etiam ad abundantiam pluribus sufficit. Et aquilæ dimidiū remiserunt, in confusionem illorum, qui nunquam dicunt: sufficit. Sed exemplū antiquius audiamus & discutiamus.

III.

S. Hieron. in vita Pauli Erem.

Paulus Eremita ab hominum consortio op̄eque longissimè remotus, Deo cordi fuit; qui eum, sicut olim Eliam, per volutes pauit. Cum illum invisiſſet Antonius incundissimè quoalloquio & recreasset, & recreatus esset, perspicue hanc Dei curam vedit. De vtroq; D. Hieronymus ita scribit: Inter has sermocinationes, suspiciunt alitem coruum in ramo arboris confedisse. Qui inde leuiter subvolans integrum panem, ante mirantium ora, depositus. Post chius abscessum; Eia, inquit Paulus, Dominus nobis prandium misit, verè pius, verè misericors. Sexaginta iam anni sunt, quod accipio dimidij semper panis fragmentum: verū ad aduentum tuum, milstibus suis Christus duplicauit annonam. Igitur Domino gratiarum actione celebrata, super vitreifontis marginem vterq; consedit. Hic verò quis frangeret panem, oborta contentio pāne diem duxit in vesperum. Paulus more cogebat hospitij, Antonius iure refillebat etatis. Tandem conflit, ut, apprehenso ē regione pane, dum ad se quisq; mittitur, pars eius sua remaneret in manibus. Dehinc paululum aqua in fonte prona ore libarunt: & immolantes Deo sacrificium laudis, noctem transegere vigilijs.